

Na osnovu člana 89. Zakona o javnim nabavkama Bosne i Hercegovine („Službeni glasnik“ broj: 39/14) i Odluke o izboru najpovoljnijeg ponuđača po direktnom sporazumu (br. 12-3685/20 od 28.07.2020. godine), *zaključuje se*

## UGOVOR O JAVNOJ NABAVCI

Između:

1. Elektrotehničkog fakulteta u Sarajevu, sa sjedištem na adresi Zmaja od Bosne bb Sarajevo, ID broj: 4200304450006, koga zastupa dekan prof.dr. Jasmin (Izet) Velagić, (u daljem tekstu: *Naručilac*)

i

2. EUNOIA d.o.o. Istočno Sarajevo, sa sjedištem u Istočnom Sarajevu na adresi Hilendarska br. 28, ID broj: 4403958140004, koga zastupa direktor Jasmin Arnaut (u daljem tekstu: *Izvršilac*)

### Član 1. (Predmet Ugovora)

Predmet ovog Ugovora o javnoj nabavci (u daljem tekstu: *Ugovor*) je nabavka električnih potrepština i pribora za potrebe *Naručioca* a po osnovu ponude *Izvršioca* zaprimljene pod brojem: 03-3613/20 dana 27.07.2020. godine.

### Član 2. (Obaveze *Izvršioca*)

*Izvršilac* se obavezuje da će:

- izvršiti isporuku predmeta nabavke iz člana 1. ovog Ugovora u skladu sa *Ponudom* (br. 03-3613/20 od 27.07.2020. godine) i
- postupiti po eventualnim primjedbama *Ugovornog organa* u pogledu nedostataka u kvaliteta predmeta nabavke.

### Član 3. (Obaveze *Naručioca*)

*Naručilac* se obavezuje da će:

- blagovremeno obavijestiti *Izvršioca* o načinu, mjestu i terminu isporuke predmeta nabavke,
- pismeno obavijestiti *Izvršioca* o mogućim propustima i neispravnostima prilikom isporuke predmeta nabavke i
- utvrditi razuman rok za ispravku propusta prilikom isporuke predmeta nabavke.

### Član 4. (Povjerljivost)

*Ugovorne strane* se obavezuju da će trajno čuvati kao poslovnu tajnu sve povjerljive informacije te da neće otkrivati ili na bilo koji način nedozvoljeno koristiti informacije koje se odnose na poslovanje.

### Član 5. (Naknada i način plaćanja)

*Naručilac* se obavezuje da će *Izvršiocu* isplatiti cijenu ponude u iznosu od 5.900,00 KM (pethyljadadevetstotina i 00/100 KM) bez PDV-a, u roku od 30 (trideset) dana od dana dostave fakture.

*Ugovoreni iznos naknade* će se platiti na žiro račun *Izvršioca*, kod odgovarajuće banke u Bosni i Hercegovini. Pripadajući porez će se obračunati i platiti u skladu sa zakonom.

Član 6.  
(Raskid ugovora)

Pravo na raskid ugovora zadržavaju obje ugovorne strane u slučaju da jedna od ugovornih strana ne ispunjava svoje ugovorne obaveze, s tim što su obavezne da o svojoj namjeri pismeno obavijeste drugu ugovornu stranu najmanje u roku od 15 (petnaest) dana unaprijed.

Član 7.  
(Rješavanje sporova)

Za sve eventualne sporove po bilo kojem članu ovog Ugovora, ugovorne strane su saglasne da probleme i nejasnoće rješavaju sporazumno u razumnom roku, u protivnom nadležan je sud u Sarajevu.


Član 8.  
(Završne odredbe)

Ugovor je sačinjen u 4 (četiri) istovjetna primjerka od kojih svaka ugovorena strana zadržava po 2 (dva) primjerka.

Ugovor stupa na snagu danom potpisivanja.

U znak prihvata svih prava i obaveza iz ovog Ugovora, ugovorne strane svojeručno ga potpisuju.


ZA IZVRŠIOCA



Direktor, Jasmin Arnaut



ZA NARUČIOCA



Dekan, prof. dr. Jasmin Velagić

Broj: 02-3715/20

Datum: 29.07.2020

